

INUIT ATAQATIGIIT INATSISARTUNI



UKA 2022/24.1

5. oktober 2022

Asii Chemnitz Narup

Akilarauserinermik ingerlatsineq pillugu Inatsisartut inatsisaata allangortinneqarneranik Inatsisartut inatsisaat

(Aningaasaqarnermut Naligiissitaanermullu Naalackersuisoq)

Oqaaseqartartup oqaaseqaataa

Nioqqutissanik kiffartuussinermilu niueriaatsit ukiuni
makkunani sukkasuumik allangoriartorput.

Takkulluni imaluunniit kiinarsilluni niuernermit
digitalinngorlugu niuerfinnut nuukkiartorput.

Internetikkut niuerfittut taaneqartartunut.

Naalackersuisut ditigalinngorlugu kiffartuussiviit
nalunaaruteqartussaataanerit pillugu
siunnersuutaat tamassuma pissusissamisoortumik
kinguneraa.

INUIT ATAQATIGIIT INATSIARTUNI



Digitalinngorlugu kiffartuussinissamik neqerooruteqartartut paasissutissanik, innuttaasumut akileraartarnikkut pissutsinik, akileraartarnermut oqartussanut paasissutissanik qaqugukkut nassiussisassanersut siunnersuummi allaaserineqarpoq.

Tamanna imatut assersuuteqarnikkut paasilluarneqarnerusinnaassagunarpoq:

Innuttaasoq Nuummi najugalik biiliunneqarnissamik kissaateqarpoq.

Illoqarfigisamini Über attaveqarfigaa. Taanna tassaavoq qarasaasiakkut akunnermiliulluni inuinnaat akornanni biiliussinermik sullissisoq. Sullitamilu akornanni sullissinermi akiliinissaq isumagisarivaa.

INUIT ATAQATIGIIT INATSIARTUNI



Inuiaannaat akornanni biiliussisarnermik sulialik
Über taanna digitalinngorlugu kiffartuussiviuvoq,
'nioqqutissamik' pisinissamik akunnermiliuttartoq,
taamaalilluni pisisoq (assersiitigalugu
biiliunneqarusuttoq) tuniniaasorlu (biiliussisoq)
'niueqatigiissinnaaniassammata'.

Kiffartuussiviup illuatungeriit taaku akornanni
akiliinissaq aamma isumagisarpaa.

Kiffartuussivik taamatut pisoqarnerani inuk
akiliiffigineqartoq akiliutillu annertussusia pillugit
paasissutissanik akileraartarnermut oqatussanut
nassiussissaaq.

Taamaalilluni akileraarutissat eqqortumik
annertussusilernissaannut tunngavik
pitsanngortinneqassaaq.

Inuit Ataqatigiinnit malugaarput siunnersuut
qarasaasiakkut akunnermiliuullutik sullissiviit

INUIT ATAQATIGIIT INATSISARTUNI



Nunatsinni angerlarsimaffeqartut taamaallaat pineqarmata.

Akileraaruserinermik ingerlatsineq pillugu

Inatsisartut inatsisaata

allanngortinneqarneranik Inatsisartut inatsisaata

alannguutissaa pillugu siunnersuut, tassunga

ilanngullugit ilanngunneqartussaannngitsut pillugit

siunnersuut, Inuit Ataqatigiit akueraat.

Inuit Ataqatigiit siunnersuutigaaat siunnersuutit

taamatut isikkoqartillugit

appassaarneerinninnissamut

pingajussaanerinninnissamullu ingerlaqqissasut.